


# Goggles wa go hlakodiša

Mongwadi ke Liz Sparg | Diswantšho ka Megan Vermaak



Bošego bjo bongwe, Jay o ile a phapharega gomme a bona seetša sa go kganya leratadimeng. Selo se sengwe se be se fofa ka lebelo le legolo se lebile lefasetereng.

Ka nakwana, se ile sa ema. Lebati le ile la bulega, gomme gwa tšwa sebopiwa sa go tlabana.

“Arp! Dumela, leina la ka ke Dikokolose. Arp,” sa realo sebopiwa.

Jay o ile a no lebelela.

“Arp! O a nkwa? O kgona go bolela? Arp!” gwa botšiša Dikokolose.

Jay o lekile go bolela efela lentšhu la gana go tšwana.



“Arp! O ka mpotša gore ke eng – arp! – tše?”

Dikokolose a emiša mokotla wa polasetiki, lebotlelo la polasetiki le thini ya go se be le selo. “Di mela Lefaseng lohle. Di mo nageng le ka dinokeng gape di phaphamala le ka lewatleng. Di ka jewa?”

Sebopiwa sa leka go ngatha lebotlelo.

“Aowa, o se je selo seo! Ke polasetiki!” Lentšu la Jay le be le le le legolo ebile le kwagala gabotse gape.

“Batho ba lahla ditlakala mebileng, gomme tša fofela ka dinokeng tša phaphasela go ya lewatleng. Ka nako ye nngwe dihlapa le dikhudu di nagana gore ke dijo, gomme di a di ja tša hwa. Polasetiki, galase le thini di ba gona sebaka se setelele kudu, ka fao naga le dinoka le lewatle le mabopo a tletše ditlakala.”

Dikokolose o be a bonala a nyamile.

“Ge ... arp! ... ge nka iša ditlakala tše ka moka sekgobeng ka seetša? Ke tlo itirela planete ye mpsa ye ke tlo dulago go yona gomme Lefase le ka hlweka gape dihlapa tša se sa ja polasetiki. Arp! Ke kgopolo ye botse yeo?”

“Ee,” Jay a realo.



Dikokolose o ile a fofela morago ka sephatšamarung.

“Arp! Ge o nhloka, o goeletše leina la ka gararo,”

Dikokolose a realo ge sephatšamaru se sepela.

Jay o lebeletše sephatšamaru se subelela godimodimo.

Se be se iša ditlakala tša mebileng godimo ka seetša, tša tšwa dinokeng, mabopong le ka lewatleng.

Ka letšatši la go latela, batho ge ba tsoga Lefase e be e le le leswa le kganya le go bekenya. Go be go se ditlakala. Meetse a go hlweka, mebile ya go hlweka, dilo tšohle di be hlwekile.

Batho bohle ba be ba rata Lefase la go Hlweka.

Efela ga go yo a fetotšego tsela ya gagwe ya go phela.  
Ba tšwetše pele go lahlela ditlakala mebileng. Ka nako  
ye nnyane fela, mebila, dinoka le mabopo a ile a tlala  
ditlakala.

Jay o ile a nagana go bitša Dikokolose gore a tle go  
thuša. “Dikokolose, Dikokolose, Dikokolose! Lefase le  
bothateng gape!”

THANKGO! Sephatšamaru sa tšwelela.

“Arp! Bjale ke tlo leka toro ya ka ya lerole,” Dikokolose  
a botša Jay. “Batho bohle lefaseng ba tlo lora ba tloša  
ditlakala, arp! ebile ba bjala mehlare, arp! ebile ba diriša

dilo gape, arp! ba dira dilo ka moka tša go dira gore  
Lefase le be botse. Ba tlo thaba kudu ditorong tša bona  
ka fao ba tlogo nyaka go dira seo ge ba tsoga. Arp.”

Gomme seo se diragetše.

Dikokolose o rometše toro ya lerole ya gauta ya  
phaphasela le go fofa go dikologa lefase. Bošegong bjoo,  
dimilione tša batho ba lorile ba hlokomela dithokgwa le  
mapatlelo le dithaba le dinoka le mabopo le mawatle.  
Ba ikwele ba thabile ebile ba na le khutšo ditorong tša  
bona. Ba rile ge ba tsoga, ba ya go dira se ba lorilego  
ka sona. Ba dirile gore Lefase le boele le be botse.



# Goggles wa go hlakodiša

Mongwadi ke Liz Sparg • Diswantšho ka Megan Vermaak

## Mehopolo eo le ka buang ka yona

Naa go lahla ditlakala gohle go dira eng go tikologo ya rena? O ka dira eng go hlokomela tikologo ya gago?



## Go bona

Thala seswantšho go bontšha seo o naganago gore lerole la toro ya gauta le be le lebelelega bijang ge le be le fofafofa le lefase ka bophara.



## Go bala

Bala temana gape fao Jay a hlalošago ka gona ka moo ditlakala di feleletšago di tsene ka dinokeng le mawatleng a rena, le mabopong a rena. Hlama seswantšho go bontšha ka moo se se diregago ka gona. Thala diswantšho tše nnyane tše di swailwego le marungwana magareng ga diswantšho.



## Go ngwala

Ngwala pego ya kuranteng mabapi le ditsela tše di fapafapanego tše Goggles e thušitšego go dira gore Lefase le be botse gape. O se le bale go fa pego thaetlele ye e nago le maatlakgogedi! Thala seswantšho se se swanetšanago le pego.



## Go dira dilo

Šomiša gape didirišwa tše di swanago le ditshitswana, meruswi ya polastiki le dikhatapokisi tše gantši di felago di lahlwa. Di kgabiše o šomiša pampiri, sephadimiši, pente le/goba dikhrayone o be o di fetošo go ba dilo tše wena le ba lapa la geno le ka di šomišago, go swana le mekotlana ya diphensele, dibase le dikhontheina tša bobolokelo.

Dira phoustara ka kgopolo e tee goba tše pedi tše di ka kgonagalago mabapi le ka moo re ka hlokomelago tikologo.

